

明
詩
紀
事

明詩紀事

貴陽陳田輯

庚籤

唐文獻一首

文獻字元徵松江華亭人萬厯丙戌第一人及第授
修撰厯中允諭德庶子少詹事禮部侍郎掌翰林院
事贈禮部尙書諡文恪有占星堂集十六卷

王文肅文集元徵詩如襄陽桐川筆法端楷卽家報
皆蠅頭細書語語可訓

擬青青園中葵

青青園中葵綠萼映朱堦豈不盛繁華但恨秋風欺黃河向
東注白日駛西馳逝川與流光飄忽不可追勉哉青陽子努

力須及時

劉黃裳 九首

黃裳字玄子光州人知府繪子萬厯丙戌進士授刑部主事遷兵部員外進郎中有藏徵館集十六卷

張佳胤居來山房集玄子文詞汪洋謫麗列朝詩集玄子博學多聞其詩才氣橫溢苦無裁製亦重慶之餘波也
田接玄子古詩奇骨偉岸但多鬱轡未宣七律特有俊調玄子贈弇州詩稱太倉王夫子厯下李先生備極推挹故元美引之四十子之列

寓懷

仰見秋空月照此芙蓉池紅芳本自淨水光迸華滋露下不聞響羅衣潤始知暗自氣化變物生順四時

塞上曲

幽并健兒北擊胡結束羊裘效骨都胃插銀貂馳代馬鞍盤
銅虎控遼弧塞鴻列陣斷燕歌草碧龍堆放駱駝黃雲戍卒
朝乘障白馬將軍夜渡河共推人馬爭挑戰無奈天驕力請
和嫖姚旗指冀顏山單于質子受降還黃河水冷沈秦月青
海雲深護漢關漢關秦月自年年雷轟電掣樹燕然天子龍
顏欣曜景將軍燕頤盡凌煙

劉伶墓歌

古來劉生多好俠酒酣便恣掀長鬚沛中亭長運卯金閉戶
先生只書篋我馬嘗黃走下蔡海風吹天墮塵外丈夫三十
不封侯苦酒堪將洗心肺木落淮南見水汀伯倫墳草隱山
屏有酒可澆墳上土我問參軍脇已腐黃昏客去淮水川寺

前寺後飛冷煙此中若憶靈魂住地底應須有酒泉

八僊圖歌爲何郎題

蹁躚雲外侶八公集此堂拍肩接手弄海日龍情鶴態皆昂
藏九月霜花淨海島一鳥東來報瑤草霞裏吹笙行玉童巨
鰲驚走三山倒何郎本是淮海仙河上著書年幾千朱顏不
服寒石散常坐青山吸紫煙閒來爲賭金胎藥日與仙人臺
上博有時青天跨白龍萬里春風共寥廓嵩岳蒼蒼起翠峯
遠連秋水照芙蓉金機玉訣倚桂樹飛天靈劍斫長松各向
湖中醉萬春僊僊起舞妙通神何郎風骨亦放縱混入仙班
作九人

出京

西山三百寺深負碧雲峯馬上惟看雪巖邊祇憶私還暫遊
鳥去空羨野僧逢如有妙緣在乘時一往從

寄江陰張醅卿

抗手離羣日相看淚滿巾燕臺饒凍雪古寺足緇塵江草帆
千里山蘿夢兩春應知偕計近又共謁楓宸

秋懷

立都殿在西城北虹渚星湖萬歲峯寶笑秦祠徵寶雉還輕
漢時見黃龍金盃露碗收神水玉帶風符護禁松一自立元
歸碧落瑤壇寂寂下宵鐘

登大報恩寺塔

翠甌琉璃瑣上方御碑寶契自文皇赤烏舊有長千里白象

新開選佛場下瞰山光來竹檻遠移江色入松房煙波極目
愁無藉嘯倚香臺望洛陽

金碧臺讌集呈楊太史用修

盧橘芙蓉路欲迷高臺疊石倚丹梯漢家瑞氣迎金馬蜀客
僊才祭碧雞萬里雲還連越嶠千年山自枕巴西詞人況遇
驅今古此日登臨酒正攜

送劉中丞遊峨眉

爲訪兜羅最上層三峯遙已屬中丞危旌知犯經年雪孤策
應尋出世僧天近飛雲沈絕澗江深片月挂枯藤共言銀界
通西域得見寒光卽智燈

安希范

三首

希范字小范無錫人萬厯丙戌進士授行人遷禮部主事改南吏部以言事斥爲民天啟初贈光祿寺少

卿有天堂集四卷

田按小范以疏論輔臣王錫爵拔私植黨仇視正人落職歸時論譴之所居膠山之麓喬木千霄碧流千頃出則乘畫舫列綺窗十二圖陶元亮張季鷹蘇端明米南宮諸賢其上爲五湖煙水伴遊屐多在天目赤城太湖七十二峯間晚卜居湖州之箬山又卜界中之桐城鳴茶香荀茁時攜鎗曷就之家居三十年謝絕朝問及光宗以李可灼進紅丸升遐首輔方從哲護之小范作詩志痛云受遺元老仍增秩進藥鴨臚也賜金時稱詩史云

龍井訪友元王隱君次屠緯真韻

挾策躡青蒼空山罕人迹藤蘿挂懸瀑古今歷危石仰望空翠中鸛鶴孤雲白山阿覲以深幽人此棲息松隙闢薤臚湖

光湯虛壁清言互酬應嵐氣忽云夕

朱君采侍御青蓮居

夙聞茗霽開山水多清遠詎意閭閻側蓬瀛忽在眼偶乘一
葉舟沿洄恣遊行輕颺偃菰蘆微波蕩菱芡叢篁雜灌木森
蔚屢回轉中有伊人居列戶抗遙巘堂宇據勝開樓榭隨意
建高閣俯喬林羣峯厯可辨憑欄耳目曠隱几縹緗展時報
黃鶴鵲閒誦青華簡客至輒披襟參微語尤雋余茲將卜鄰
栖託計非舛

寄題五鹿先生五鹿山房

選地開三徑爲園過一邱山川通晉國臺榭俯漳流地學辛
夷陽花藏杜若洲江湖懷魏闕未許老菟裘

田按此題張平仲五鹿山房圖也平仲名銓大名
圖凡六十字華菴沈石天爲勝今藏余齋

袁黃 二首

黃字坤儀嘉善人萬厯丙戌進士除寶坻知縣遷兵

部主事有兩行堂集

郝敬藝圃僉談嚴滄浪借禪喻詩近時袁坤儀卽禪
爲詩坤儀之說可矯浮靡之偏失詩人葩藻之意

爛溪夜泊

載酒攜琴訪翠微
前卹燈火對漁磯
孤舟自傍蘆花宿
老鶴應疑道士歸
明月滿前春樹冷
好山猶在主人非
百年心事同流水
半夜聞雞淚滿衣

林居

簾捲東風日未斜
松蹊竹徑野人家
空庭寂寞無人到
閒看

黃鸝啄杏花

王嘉謨 一首

嘉謨字伯俞直隸豹韜衛人萬厯丙戌進士除行人
遷禮科給事中累官布政使有薊邱集

靜志居詩話伯俞五言精熟選理

海淀偶題

燕市黃塵影無人驚日斜半程西郭地一水隔山家
荒竹抽高筍野桃報晚花丹青多殿閣只此似京華

吳應賓 一首

應賓字寄卿桐城人萬厯丙戌進士改庶吉士授編
修天啟初以理學召不赴加左春坊右諭德兼侍讀

門人私謚宗一先生有學易齋集

李公麟

居士龍眠圖丹青妙天下有時寂住峯側耳浮山話誰云履
半穿天遊卧清暇

王一鳴二首

一鳴字子聲黃岡人萬歷丙戌進士除太湖知縣改

臨漳有朱陵洞稿

田按子聲稚欽從孫湯義仍贈詩云爲憶先朝王夢
澤烏衣殊不羨江東子聲負才不得志卒義仍有先
寒食一日同張了心哭王太湖詩云張衡愁處起離
情不見黃州王子聲絮酒隻雞千載事楚天明日是
清明

便民倉是縣漕米入江處時方憂旱

修竹迴斜徑高蟬噪夕陽數行遷客淚一灑便民倉剗肉知
何補勞心或自傷驕雷煇赤日念爾稼登場

十載

十載猶遷客孤蹤愧俗人長絨存後舌乍保嬰餘身楚澤雲
千里春城月半輪潛夫潛未得飄泊損天真

周獻臣一首

獻臣字欽六臨川人萬歷丙戌進士除太康知縣改
許州學正入爲國子博士遷南刑部主事謫福建布
政司檢校遷龍安推官有鸞林外編

發黃塘橋經西津渡

歸雲衡嶺半樓臺遠水浮天一村白何處山椒響暮猿天涯

腸斷未歸客

張文柱 一首

文柱字仲立崑山人士瀾子萬厯戊子舉人官臨清知州有溟池集十六卷

玉筍詩談仲立入青溪社年最少詩清新俊逸列朝詩集仲立年十二賦關山月詩云閨裏紅顏愁少婦塵邊白骨怨征夫一座嗟賞孫齊之日仲立才高燦發託意幽玄正如冰壺秋月本宜著煙霞外迺強使適俗故少年卽有子建憂生之嗟

市隱園鷗波

聞道午橋莊中蓮谷水陽主人滄海意都與白鷗忘沙合寒煙積磯深夜雨長江頭風浪惡常得聚迴塘

明詩紀事

貴陽陳田輯

更錄

焦竑 三首

竑字弱侯南京旗手衛人萬厯己丑第一人及第授修撰謫福甯州同知天啟初贈諭德福王時追諡文

端有澹園集四十九卷續集三十五卷

靜志居詩話修撰晚授魏科仕雖不達公望歸之臺州李文友仁卿詩云文章南國多門下翰墨西園集上才蓋寶錄也詩寄與若儲書之富庶幾中簿多手自抄撮惜近年俱散佚矣田按弱侯為東宮講官是時太倉當國謂元子冲齡典學當引進圖史弱侯輯古儲君事可為法戒者繪圖行義名曰養正圖解擬進之同官郭美命輩惡其不相聞目為賈譽賢者乃相阨如此弱侯著述甚富

小詩亦有清放之致

同李比部永慶禪房小集

一笑同幽事移樽向夕陰
輕風吹片雨蕭颯動高林
自愛杯中賞還同澤畔吟
相看意不盡冷露滴衣襟

莫愁湖

水闊菰蒲淨城開睥睨斜
懷人倚高閣落照下平沙
眉黛餘山色鈿金但野花
徘徊湖上景一倍惜芳華

靈谷寺梅花鳴

二首

山下幾家茅屋村中千樹梅
花藉草持壺燕坐隔林敲石煎茶

層葛林東短牆曾開寶地齊
梁初春老樹花殘深淵無入水

香

陶望齡五首

望齡字周望會稽人萬歷己丑第三人及第授編修
歷中允諭德遷國子祭酒諡文簡有水天閣集十卷

歇庵集二十卷

黃汝亨寓林集周望詩為陶為柳間為長吉品置泉
石嘯吟煙雲超如也
列朝詩集萬歷中年汰除王李結習以清新自持者
館閣中平倩周望為眉目
靜志居詩話周望早年詩格清越超超似神仙中人
中歲講學逃禪兼惑公安之論遂變芸夫薨壁面目
白沙在泥與之俱黑良可惜也
田按公安楚咻始於伯修黃平倩陶周望與伯修同
館聲氣翕合中耶稍晚出推波助瀾二人益降心從
之是時臺閣中惟于文定馮文敏雅能自持然才稍
不及黃陶世論惜之

紫閭

有序

泄之水百仞五之意是天上落也從響鐵嶺而登至
絕頂謂便當下乃忽見平疇長林桑竹蒨翳溝塍組
織水皆安流審之卽墮而爲泄者地名紫閭民居頗
稠或至巨富四望緬然平遠亦更有羣峯環之上山
卽富陽縣界由此言之安知今所謂大地者非處於
孤峯絕頂乎

一瀑懸百仞五瀑方到地每緣嵐霧開暑想峯頭翠卽此料
泉源應從白雲墜攀藤漸躋陟屢息始能詣誰謂孤峭中忽
有桃源事雞犬散村落竹木成位置連疇溪女桑卓午樵人
市向來五瀑布平流若溝澍十里方下山人家在天際

題水亭圖

有序

南京春官尙書宅在柳樹灣池館清迥余與繼源讀書其中時嘗見此圖別後二十年始會於北都繼源復出此求詠追記舊遊宛宛在目人事變徙悵然而悲會予復告歸又二年丁酉始書此寄呈繼源於南京崔顥題詩在上頭莫訝羞澁難出手也

昔年夢墮鍾山下古柳成衙壓官舍水檻臨池竹亞牆共君杯酒燒燈夜君持此圖臨檻前水亭水檻都依然真景如攢畫景闕折葦欲進一色天生綃尺五卷成束燼罷燈花觀不足妙畫有神神慌忽吹燈走入圖中宿一別廿載逢燕都一頂紗巾尙未除重爲披圖向燈下可惜圖在風景殊昔我兄

弟皆少小君纔有髭似寒草人言絹力苦不長墨色翻如昔
年好卻憶孤雲鎮東事妙手相遭偏得意亭館涼深墨滯濃
暑寫清幽記殘醉我無手筆比孤雲難把煙光寄贈君柳樹
灣頭君憶取秋風好爲悵離羣

陳侍御西湖莊

名場羨爾一身收墨詔新銜拜醉侯艇子舊裝蓮葉櫂吳兒
殊有串珠喉輕輿輓逕花間馭晚翠朝煙水上樓我亦清狂
公記取十旬三度淨慈遊

東山

竹梢藤蔓冷僧扉門外蒼松忽減圍斷藥更誰悲遠志摘花
猶得訪薔薇落潮漁艇晚初閣上浦風帆健欲飛絲管暮年

陶寫盡謝公何日復東歸

與季豹遊雲門

叢竹生鞭晚稻齊石橋重訪古時題谷雲未出俄成雨簷瓦
初鳴已漲溪日氣忽穿殘蜺斷亂山翻在夕陽西秦碑解讀
隨君讀苔磴從高不溼泥

黃輝十一首

輝字昭素一字平倩南充人萬厯己丑進士改庶吉
士授編修厯中允諭德庶子少詹事兼侍讀學士有
鐵菴集八十卷平倩逸稿三十六卷

袁中道珂雪齋集萬厯戊戌伯修中郎皆官吳門予
入太學平倩從蜀來聚首最密中郎作詩力破時人
蹊徑多破膽險句伯修詩穩而清平倩詩奇而藻兩
人皆爲中郎所轉稍稍失其故步

松巖集平倩大隱金門有超世之志人擬之蘇眉山
黃涪州兩學士
列朝詩集已丑同館者詩文推陶周望書畫推董玄
宰平倩之詩與書與之齊名其後與袁伯修中郎兄
弟研窮性相之宗所至遊覽山水尋訪禪衲雖居華
要有道人雲水之致
田按平倩詩爽傷絕倫惜爲公安習氣所染余擇其
近雅者存之不愧當時才子

石鼓歌

成均橋門列者石相傳周宣員獵迹蒨勃時時雲氣生倒殖
依微破苔隙彷彿媧皇五色墮錯落星辰尙堪摘此時閱人
人遞喜昌黎先生好尤癖可憐光價絕鼎鐘霜草風沙無憐
惜元和到今復幾歲流落尤能脫日碣金繩斷鉏玉柯迹蟬
蛄何繇見光澤孔子刪詩偶遺漏不緣片碣誰搜覓或疑成
後蒐岐陽椒璠之言具楚籍車攻卽類宣王詩四牡東徂豈

西適周家蒐苗世有事平岐嶷維定何擇大篆分明史籀手
詛楚卑卑其能役况復李斯七日歎弱骨今猶植碣嶧此書
穆滿當伯仲爭令支驥掩宗祏宇文偏陋復安取一笑豎儒
揣量窄頸豐奇字誠難收六體粗堪證今昔位置何須爭甲
癸參差枉自疑君帛從教缺剝費摩挲古意居然存耆碩顯
晦隨人亦有時一出雍涼幾爲客小雅終存王者氣夜夜精
光爰相射護持豈爲耽奇字想像中興在明辟方今太平無
一事風雅歲耜孰攜撫但令夢寐到成宣隻字猶堪動心魄
老生更訪吉日碑剔盡崑崙亦何益嗚呼石鼓歌成誰獻聞
槐市陰陰土花碧

田按明人咏石鼓詩大復而外此爲傑作

咏史

吾憐東方生辟世金馬門
滑耀時若詭委蛇體自眞
猥以龍變姿而偶郭舍人
竊酒戲萬乘折簡調平津
繆巧固無端諷諫難悉聞
壯哉割肉手何有瑤池春
濯衣紫海遙長嘯流清塵
歲星去幾時青蠅遽來臻
太息平蠱冤何用千秋伸

滴水巖

晨雨洗秋碧千峯寒古苔
雲盤小馬入河折大龍迴
源水不知處澗花相喚開
茫茫塵劫事問取石林灰

白沙驛

山驛冷荒荒昏煙帶葉黃
窗交蛛網月垣隙虎踞霜
攜手同人盡迴身獨夜長
佳期惟有夢夢去轉蒼茫

西瀛杜少陵祠

出峽是何意栖巢仍戀枝不應三畝券買得古今祠淺泊龍
猶侮孤鳴雀自悲祇應離正近屈宋有前期

猗臺用米仲詔韻

出郭逢人少投林駐馬偏楊花騰野雪竹葉擁溪泉往事柴
門月餘春麥隴煙故山差髣髴昨夜夢嘯鵑

永福菴待舍弟不至

已謝青門路惟餘白社緣澗聲秋樹雨山色暮樓煙劍閣嘯
鳥外蘆溝落雁前池塘空復夢何日對床眠

宿閩鄉時河南歲荒甚

周原秦塞雨蒼茫徙倚桃林正夕陽真氣西來千嶂紫濁河

東去六州黃何堪大澤哀鴻雁耐可重關踞虎狼虛博採風
隨埃吏龍泉賸有舊時裝

西陵別中郎小修

山陽殘淚溼征衣此別深憐舊侶稀與我周旋明日始爲誰
流浪十年歸采蘭自有山中樂抱甕原無世上機巴蜀音塵
同梗泛峽魚西上雀東飛

沔縣武侯祠

丞相棠陰此地偏幾人揮淚定軍前千秋信史猶生氣六尺
寒碑自暝煙樓閣經殘流馬路干戈愁絕卧龍年雜耕嘔血
成何事重爲英雄一慨然

入峽書懷

華髮還來照玉溪斑衣常是夢中嘔辱陵尺素何時到家在
相如客舍西

馮從吾 一首

從吾字仲好長安人萬厯己丑進士選庶吉士改御
史削籍歸起尙寶卿進太僕少卿均未赴改大理擢
左僉都御史進左副都御史乞歸起南右都御史未
上召拜工部尙書尋致仕以忤閹黨削籍崇禎初復
官贈太子太保諡恭定有少墟集二十二卷

田按前明吾黔有二驛丞皆能提倡聖學興起後進
王陽明爲龍場驛丞人所共知也繼之者有三原張
原以吏科給事中言事忤旨謫新添衛驛丞學者聞
公名裹糧負笈經所指授充然有得士風爲之一變
此事見明史及少墟文集吾黔省志於新添設驛丞
且不能詳鄒漢績輯貴陽府志添謫宦一門亦不能

庚籤卷十六

七

知張公事余讀少墟集爲紀其詳如此

涇野呂先生

涇野呂夫子矯矯崇正學挾冊遊成均馬崔同切琢

馬籍田崔後渠

射策冠時髦聲華何卓犖慷慨批逆鱗封章凌五嶽講學重躬行乾坤在其握吁嗟橫渠後關中稱先覺

高攀龍

七首

攀龍字存之無錫人萬歷己丑進士除行人謫揭陽
典史起光祿寺丞進本寺少卿歷太常少卿大理少
卿進太僕卿乞歸起刑部侍郎進左都御史坐忤逆
閹削籍被遞赴水死崇禎初贈太子少保兵部尙書
諡忠憲有高子遺書十二卷

四庫總目纂龍詩意冲澹

靜志居詩話先生天下規矩援世翼教不以聲律自
繩然與歸待詔訂金石契宜同心之言自成蘭臭也
田按先生再起侍御時魏闡勢方張福清當國先生
曰外廷法用正直內閣法用和緩內閣當借用外廷
不可以正直而疑其激外廷當責成內閣不可以和
緩而疑其媚苦心調劑至福清去而國事不可以為
先生又曰中官用事未能拔其毒且須殺其毒宜如
歸德相公勸化諸璫勿與吾輩為敵然先生不攻逆
閣而攻附閣之崔呈秀將虎鬚取虎子禍均不旋踵
矣

水居

微雨乍過好風徐來游雲斷續眾峯皆開歡然撫景盡茲一
杯世事如積亦已焉哉

山居

城郭多塵事入山意始豁炎暑絕尋遊芳園轉閒潔拂簟卧

看雲漱泉滌煩熱疏林來遠風虛堂入新月湛湛無交心端
居見超越百營良有極庶以善自悅

采菊

天地有終極人生豈常爾年壽不可知富貴焉足恃昔爲春
原萸今隨秋草薶四時更代謝百年遞成毀區區世人心詎
能違物理所以采菊翁悠然了斯指

送辰州守瞿元立

秋至林薄佳幽人自怡悅閒尋山中侶偶坐松下石一酌清
冷泉滌茲當午熱自餘無一事於性有至適云胡同心人簡
書迫行役我欲賦招隱言念斯民厄以君之操持所至有膏
澤誠然振五品何必恃三尺郡齋有餘閒卽是林間客得意

且歸來共泛五湖碧

澗光山中

時穿深竹坐人境忽如失落日照前山松間一僧出

有客

偶隨白雲出不掩白雲扉有客坐來久山僧歸未歸

水居漫興

黃葉疏疏門巷寒風淅淅兼葭人在小樓隱几夕陽忽度昏鴉

劉文卿一首

文卿字後如廣昌人萬歷己丑進士除金華理官擢吏部主事改刑部遷南兵部員外天啟中贈光祿少

卿有直洲集十卷

春日由鹿田寺入冰壚洞

幽澗曲相引因君逸興賒林香侵淺草水色映初霞嶺盡樵歌斷巖深鹿跡斜淮南多隱思叢桂幾時花

祝世祿一首

世祿字無功德興人萬厯己丑進士除休甯知縣擢南吏科給事中就遷尙寶卿有環碧齋集六卷

遊芝山

溪山春正半載酒上空亭取醉非吾事乾坤忌獨醒

林堯俞 五首

堯俞字咨伯莆田人萬厯己丑進士改庶吉士授檢

討歷贊善諭德南祭酒乞歸起禮部侍郎進本部尙書加太子太保諡文簡有谿堂集

靜志居詩話陳文定善書嘗以南祭酒奏續之京王
振致酒幣請書程子四箴文定書與之而卻其幣論
者題之亡友甫田林嘉璣字衡者述其從祖文簡公
亦善書法魏忠賢敦請不與忠賢矯詔命公題扁公
大書畏天堂三字題曰禮部尙書某奉旨書時忠賢
出餅啗公云出手製公以南人不慣食麪餅忠賢方
銜之公遽請歸里陞見德陵謂曰長尙書乃欲歸邪
賜之蟒玉以公儀表頥而長也若兩公者明哲保身
淵然不可犯士大夫當以爲師林子又言公五言律
原出右丞誦谿堂集信衡者不我迂也
蘭陔詩話文簡忤魏璫不止書扁一事德陵欲增闡
額文簡力爭及會同選閣日忠賢欲據中坐文簡正
色曰公等原由本部選進安可一旦輒相躡躡命移
席分置兩柱間忠賢大慍又嘗作詠炭詩云正是高
寒欲雪天聊爲置汝鐵鑪前應知候忽陽和候變作
寒灰火不燃爲人所傳誦忠賢益銜之文簡見幾遠
引其門有車馬客一詩蓋自道也

門有車馬客行

門有車馬客云自洛京回洛京盛簪組道路滿塵埃朝趨丞相府暮入金銀臺時事易反覆人情多傾危對面等殊域貌語恆中乖誰能兩調劑耦俱無嫌猜以茲坐歎息不如反蒿萊入門見密親各敘生平懷當杯詎辭數權言有餘訴無爲念疇昔愴惻令心哀

春園雜興

蓬門一徑遠茅屋數間斜得雨新移竹分泉細校茶山僧來遠寺北酒餉鄰家未識春深淺臨風問落花

宿碧雲寺

駐馬憶曾到重來經十年魚閒猶在藻僧老坐安禪曲水通

山竇疏櫺染竹煙夜深清磬發隨意石牀眠

焦山

高士何年隱芳名留此山至今洞壑裏終日水雲閒鶴瘞銘
猶在僧歸戶不關無因留信宿一棹唱風還

姑蘇夜泊

吳閶今夜月客思倍淒淒到岸鐘聲斷橫橋樹影低臺荒悲
鹿走曲豔聽烏棲欲趁靈岩約雲深路復迷

傅新德二首

新德字元明定襄人萬厯己丑進士改庶吉士授檢討累官國子祭酒贈禮部侍郎諡文恪有文恪集

送孫湘山

鬱鬱園中葵丹榮媚朝陽朝陽倏西傾遊雲掩其光春華不
須臾零露淒以霜搖落易爲感離人多慨慷踟躕歧路雲
鳥爲徬徨臨觴慘不歡鳴琴發清商別促憂日短會難苦路
長代馬依朔風鴻雁杳三湘丈夫志四海誰謂天一方仁願
崇明德無爲情內傷

書王孝子代母死賊冊

黑風吹海海水立長鯨跋浪天無日江南處處屯妖氛爺娘
妻子走相失孤鳳將雛值羅弦猛虎食人無豪賢倉皇挺身
乞母命見母不見戈與鉞孝感山頭烏鳥唱閭里至今色惆
悵何處看君死孝心東嶠杲杲海日上

馮有經

二首

有經字正子錦衣衛籍慈溪人萬厯己丑進士改庶吉士授編修歷中允諭德庶子贈禮部侍郎

龍華寺

湖際先朝寺幽棲省物情
聲聲松下靜鳥語竹間清
菰米羞香餌園葵薦露羹
重來知幾日虛負老僧盟

雲居寺

青青岑嶂切天開
澗石縈迴半隱苔
松下覆茅精舍出
花間紆徑遠泉來
經思却後存無恙
塔想生前願可哀
洞去火龍香去樹
雲居日夕隱風雷

方大鎮一首

大鎮字君靜桐城人萬厯己丑進士除大名推官擢

江西道御史遷大理寺丞進本寺少卿有甯澹居詩

集

解志居詩話少卿與鄉忠介馮恭定高忠憲顧端文諸公講學首善書院書院毀並得同人于野遂乞休自號野同翁年七十廬母墓而終鄉人私諡曰文孝先生其歲杪聞召詩云仕途百折如浮海客邸孤蹤似出家足以占所守矣

長安春興

蓬萊日轂擁天顏
玉殿高居霄漢間
宛馬如雲羅紫塞
黃金爲土貢青山
繭絲使者貂冠出
露布將軍鵲印還
正是平陂憂十慚
衮衣曉夜不曾聞

章士雅一首

士雅字循之常熟人副使美中子萬厯己丑進士除

嘉善知縣入爲刑部主事改南工部歷郎中有薄遊
小詠

紀懷

江城二月客衣單況是春風十日寒鄉國梅花開欲盡不須
橫笛倚朱闌

莊天合

二首

天合字德全長沙人萬歷己丑進士改庶吉士授編
修累官少詹事兼侍讀學士贈禮部侍郎有莊學士
集

沅湘耆舊集宗伯詩清婉有致

病起懷故園

歲序駛如電疾疢空相尋春華坐消歇庭柯散清陰感此不自持悠哉懷故林湘月澹疏竹衡雲低素琴結茅流水間意與澄波深如何久離別負此濠上心耿耿向天未能無莊舄吟

春閨怨

等閒見花開等閒見花落閒卻紫羅衫春來不會著

戴士衡一首

士衡字章尹莆田人萬厯己丑進士除新建知縣擢吏科給事中謫蘄州判官改陝西鹽課副提舉未赴遣戍廉州天啟中贈太僕少卿

過揚州偶成

廣陵濤色帶邗溝世事驚心問野鷗詞賦只今傳水部風煙
應不記迷樓舊堤楊柳曾名曲新嶺梅花半是愁二十四橋
看欲遍簫聲明月爲誰留

郝敬一首

敬字仲與京山人萬厯己丑進士除指雲知縣改永
嘉擢禮科給事中改戶科謫宜興縣丞歷江陰知縣
遷行人司副有山草堂嘯歌二卷

田按仲與九經皆有解釋其論詩文有藝圃餘談四
卷謂古詩四言太音冲漠漢魏增一言便多逸響如
兵法改車戰爲步騎龍虎風雲奇變百出更增七言
如長驅野戰又謂少陵詩如王郎酒酣拔劍斫地歌
莫哀與太白詩蜀道難天姥吟北風行等篇氣格壯
麗雅意渾微大抵以四五言束縛千古之詩人論出
一字便爲不雅固哉仲與之言詩也其所自作殊多
淺率不副其言

山莊卽事

嵐光拂曙影幢幢春氣薰林林欲紅隔浦人來呼渡子看花
客到問園公苦吟得句逢春草行藥無心過水東酒伴城中
勞折柬柴車巾破畏天風

陳所蘊一首

所蘊字子有上海人萬厯己丑進士授南刑部主事
厯員外郎中就改吏部出爲湖廣參議厯大名河南
副使河南參政乞歸起山西按察使不赴再起南太
僕少卿有竹素堂藏稿續稿

乞歸未遂

忽忽吾何意長歌懷隱淪出眞成小草積竟是前薪濩落悲

吾道支離笑此身
菟裘營已久生計足垂綸

陸彥章一首

彥章字伯達松江華亭人
尚書樹聲子萬厯己丑進士
除行人乞歸起光祿寺丞
遷本寺少卿改太僕少卿
引疾歸起光祿寺卿不赴
再起南刑部侍郎未上

卒有讀書園集

田按伯達登第文定遺書戒之曰於家則疑盈滿於國則妨英俊毋趨捷徑毋墮權門乃吾子也伯達上官僅二年乞終養歸文定卒伯達廬墓側告墓曰生爲祝聖之民死作依親之鬼山川草木實聞此言福清執政高其節卽家拜光祿寺丞再遷官引疾歸政禎兩朝再徵未上卒世稱伯達難進易退綽有父風

答周翰使君

玄亭東眺白雲多
載酒其如興盡何
惟有相思無近遠
秋風

吹夢渡黃河

鄭明選 三首

明選字侯升歸安人萬厯己丑進士除安仁知縣擢南刑科給事中有鳴缶集

列朝詩集鄭君詩殊有俊氣
靜志居詩話先生五言近體全學高遠夫七言近體
全學杜子美語不求工而句鏗字鍊卓然名家

歲暮卽事

臘盡休公事無人早閉門鉤簾看竹樹筐果散兒孫晴雪留
階溼寒煙渡水昏雞棲江色暮返照落清尊

病中憶沈長山別業

不識田園近若何洛陽歸興日蹉跎舊時野竹平安否清夜

山猿人聽多病情餘生仍皓首老將吾道寄滄波風流況有
詩朋在月白花香對朗歌

溪望

金蓋山前綠水橫下菰城北碧雲生酒船亂逐晴沙集漁網
徐牽細浪行盡日盤桓從性懶百年蕭散覺身輕已將杖屨
遊方外婚嫁何須學向平

萬嗣達一首

嗣達字禹存德化人布政使衣子萬厯辛卯舉人累
官雲南金滄道副使

廬山歌

廬山九疊雲錦屏高逼清虛窺帝庭白鹿未歸丹石杳黃龍

長去碧潭腥。岩僧乞食來。天竺山鬼吟詩潛。石屋洞口層冰
六月寒。山腰倒景千年瀑。渺渺仙源信可求。青松白石總丹
邱。何時一杖雙峯頂。長與盧敖汗漫遊。

張民表一首

民表字林宗一字武仲中牟人萬厯辛卯舉人有原

圖寒菴詩集

列朝詩集林宗性嗜古文詞藏書數萬卷手自點定
喜飲及草書飲少許卽顛然揮灑放筆謂有神助任
俠好客老而彌甚時時蕩舟於中牟郭外之南陂無
日無客無客不醉頂高冠飄二帶帶上繡東坡半升
僅漉淵明酒三寸纔容子夏冠之句乘敗車無頂慢
一老特牽之助吟車中每口醉陂頭老杏下門人子
弟扶掖而歸兀傲自放世莫測其淺深也崇禎壬午
寇圍大梁林宗勸當事密檄左甯南趨大梁背北城
而疎通黃河一線以爲餉道又當令陳永福兵列城
外勿聽入入則城中餉竭勢且民與兵俱盡皆不聽

寇暫卻或謳之曰盍去諸林宗曰死則死耳奈何去
以爲民望乎閭城五閱月日夜乘石拮据行間汴人
倚之皆守死不去賊決水灌城背負其先人神主抱
詩文藥二尺許登木筏鄰並求登筏者益衆林宗不
忍卻移後就之筏且沈乃移筏登屋屋上人垂綆相
接林宗竄且乏食數上下者久之水大至而沒次子
允隼及門生文大士皆從焉
書影阮太冲王季重皆衛人俱生於都門張太保公
爲璽卿時林宗先生侍養都門三公垂髫共硯席於
演象所常合刻其詩文以行後太冲因噉生光之變
移家尉氏時過會城宿林宗先生長欄中予時讀
書其地見兩公雄談竟夕如少壯時太冲常呼張曰
張仲爾一生爲詩惟得草細吳門棹煙傷楚澤吟二
語耳張曰跋君欲吾稱爾潮回遠嶼青日鐵驚溝柴
耶太冲晚年足不更於行故張以跋君戲之
田按林宗爲太保孟男子崇禎壬午汴城陷沒於水
大梁周亮工林宗弟子也國變後屬趙雪江圖林宗
像授其子子願遍徵題詠余得藏之詩多步林宗對
城南寺壁上詩韻亮工詩云鄴下南頭寺同來聽妙
香隨鐘攜竹杖分佛卧藤床破壁孤兒淚長河一夜
霜鴻文與祕笈蛟室可能藏薛案詩云鄭重山陽賦
征輶一鐫香如生歌哭室異姓兩風床弔古疑前詰

庚籤卷十六

七

扶孤又幾霜憐予久遁迹攬鏡負行藏黃景昉詩云
寂寞尙書後猶傳劍履香竟虛揚子宅誰伴庾公床
酬字三千霜墜領五十霜僅留詩種在辛苦日嬰藏
願夢遊詩云汨羅同弔處杯酒瀉蒲香楚澤招魂些
秦淮邀笛床情深千尺水愁滿一頭霜自逐巫咸後
三光日閉藏張文峙詩云公會精梵理功德舊聞香
繡佛淵明酒飛花侍女床授筆圖獅額傳神染兔霜
此甯勞夢想死是行藏杜濬詩云猶見吹臺氣長
留汴水香九歌揮酒盃四海弔書床開籟心如月嶮
嶮面有霜河洛高弟子珍重十年藏趙賓詩云塤塤
飯依久終然關獨香天涯路豈係客淚灑胡床衣褶
疑霜水髭根半帶霜騎解歸去後文字老龍藏許友
詩云破壁詩痕潤翠花繞殿香鳥暖千樹月書亂一
筐床酒寂夢浚水蟲寒語咽霜夜寒風雨裏光怪可
能藏

陳古白

文傳江左秀情見宋中書隔面雲千嶂愁心髮一梳良圖襄
野牧活計潁濱漁儻欲枉相訪嵇康候呂車

明詩紀事

貫陽陳田輯

庚籤

鄧原岳

十一首

原岳字汝高閩人萬厯壬辰進士授戶部主事歷員外郎中出爲雲南僉事遷湖廣參議進副使有西樓集十八卷

小草齋集汝高初爲詩學鄭吏部已又學七子既而一意摹古要以唐人爲宗蒼霞草汝高詩甚銳而氣深語沈有灑然之致白榆集汝高詩心靈骨峻才雄思超田接汝高詩音節俊爽長於七律與謝在杭徐惟和輩結社在杭推爲嘉隆後閩人之冠假借云爾余衡其才品當在二人之次

俠客行

結客不交遊
治郎使酒不挾邯鄲倡
一片雄心貫白日
披肝瀝膽天茫茫
尋常殺人只寸鐵
杯酒殷紅化爲血
壯士借名仍借軀
不似君卿但唇舌

送彭興祖之晉陽

北地風霜早
關門落葉稠
故人從此去
遠道不勝愁
匹馬寄嵐暮
殘雲石室秋
明珠須愛惜
取次莫輕投

同林熙吉熙工王玉生徐惟和興公遊錦溪竹林

苦愛西溪竹
千挺修簋瑟
逗晴暉
石林空翠和
煙濶濶道流泉
作雨飛
載酒偶隨芳草去
迴車猶惜白雲遶
山中桂樹堪招隱
矯首風塵幾是非

渡錢塘江

十月繁霜夜次寥，扁舟孤客欲魂銷。
江干木下頻聞雁浦口，風來正上潮。
南宋寢園雲漠漠，西陵松柏雨瀟瀟。
塞垣戎馬無消息，北望傷心涕淚遙。

謁長陵

文皇定鼎壯燕幽，更卜玄宮枕上游。
樂府舊傳朱鷺引，祠官親奉白龍旂。
太行迤邐雲邊路，黍谷蕭條塞外秋。
聞說關中胡馬動，三犁誰爲埽神州。

過表忠觀

一畝荒祠卽故邱，越王香火此湖頭。
水犀獨擁三千卒，裘馬橫行十四州。
畫楸秋風棲鳥雀，空山夜雨冷松楸。
英雄已去

殘碑在山下寒泉空自流

過清河聞河工告成恭紀

聖祖園陵奠泗濱百川長護屬車塵艱虞正念衣冠地開濟
誰當社稷臣高闕迴翔龍嘴月濁流安穩鶴河春年年霜露
還供奉極目祠宮草色新

歌風臺

漢祖歌風有舊臺雄圖零落委荒苔百年父老思湯沐此日
樵蘇問刼灰樊巷有碑荒草沒沛宮無主野花開眼前壯士
今何處寂寞長陵烏雀哀

寄強善長

橫塘信宿繫蘭舟風雨時時憶虎邱徼外青山勞客夢天涯

芳草伴人愁
山連越嶠還
爭險水入昆明卻倒流
萬里閒關
書一札不知何處問滄洲

越王臺懷古

日落汀洲江吐雲
君王遺殿晚氤氲
樓船北出鄱陽道
劍壘東歸威武軍
馬瀆潮平天外直
龍湫泉咽夜深聞
一時霸業堪蕭瑟
愁對青山越水濱

春盡

客舍蕭條對夕暉
更堪春盡野花飛
馬蹏欲逐殘春去
不信春歸客未歸

江盈科

四首

盈科字進之常德桃源人萬曆壬辰進士除長洲知

縣徵授吏部主事累官四川僉事有雪濤閣集十四

卷

袁宏道瓶花齋集進之詩窮新極變物無遁情或有一二語近平近俚近俳此進之矯枉之作以爲不如是不足以矯近代之浮泛之弊也
靜志居詩話進之與袁中郎同官吳下其詩頗近公安派持論亦以七子爲非特變而不成方者中郎謂其矯枉之過所謂笑他人之未工忘已事之已拙文人通病大抵然矣
田按進之才不及中郎而近俚近俳正復相似今錄其明暢之作

書思

萬里滇雲寄一官天涯歸路正漫漫荒煙遠浦迷春色細雨孤城釀暮寒鄉思隔年頻入夢客愁向晚只憑欄可憐寂寞誰相對細把梅花獨自看

昆山舟中睡起

旅泊婁江一日程姑蘇望入晚雲平天連海氣全低岸潮挾
溪流欲上城客裡鄉心成遠夢枕邊涼雨作秋聲醒時自擬
還山賦麋鹿從來無俗情

棧道

逶迤棧道繞溪斜槿戶茅堂見幾家籬落荒涼荆棘裏蜜蜂
飛上野藤花

讀張魏公傳有感曲端

子聖焉能盡父凶曲端寃與岳飛同何人爲立將軍廟也把
烏金鑄魏公

靜志居詩話徐秀才善敬可一日語予曰周公謹小
人哉張魏公朱子所父事何可毀也予曰公謹三代

畢自嚴一首

直道之遺也宋之南渡將帥有人可以戰可以守自
寄閫外之權於浚喪師動數十萬元氣重傷諸辱
夫不能復起矣浚於李綱趙鼎輩則刻之於汪彥伯
秦檜等則薦之尚得云好惡之公平至曲端之誅與
檜之殺岳飛何以異而讀史者務曲筆以文致端有
可死之罪不過因浚有子稱講學浚死微國文公爲
之作狀天下後世遂信而不疑爾中郎朱仙鎮詩已
極悲惋不若進之詩露膽張目前詩家之南董也

自嚴字景曾淄川人萬歷壬辰進士除松江推官徵
授刑部主事改工部歷員外郎中出爲淮徐道參議
改冀甯道歷山西副使陝西參政按察使布政使召
爲太僕卿以右僉都御史巡撫天津進戶部侍郎督
遼陽再進右都御史命掌南院事就改戶部尚書引
疾歸召拜戶部尚書累加太子少保太子太保贈少

保有石隱園藏稿八卷

四庫總目高珩序石隱園藏稿云自嚴官戶部時於天下大計明朗於胸臆指兵食款目如觀掌紋每入署與後置書二寸餘日晡事竣必讀書漏下數刻乃歸鄧侯劉晏遂抽龜買之簞實古來僅事又稱其七言近體分滄溟華泉之座又作第二序擬其文於韓蘇擬其四六於徐庾雖鄉曲之言未免稍溢而以經濟兼文章則自嚴要不愧也

留計移疾獲請詠懷

觀光忝昔幸解組嫌今遲自嗟薑桂性兼之蒲柳姿七尺猥承匱四牡幾載馳晚荷儲精寄尋綴紀綱司祿厚責彌重汲深綆難支筋力空殫竭膏盲悲暗滋坐是乞鑑湖煙水聊自怡貝邱宵夢繞岱麓春雲垂永矢南郭隱長謝北山移

王樂善二首

樂善字存初霸州人萬歷壬辰進士除行人遷吏部

主事有鷦適軒詩稿和角集

明詩統和角多寓自傷不遇之意

春宮曲 二首

燕語花飛正斷魂黃金枉費賦長門淒涼莫恨嬋娟誤不嫁
呼韓卽主恩

垂垂楊柳繞橫塘倚檻攀條暗自傷卻恨不如風裏絮化萍
猶得伴鴛鴦

張五典 一首

五典字和衷沁水人萬歷壬辰進士授行人遷戶部
主事歷員外郎中出爲山東參議累官兵部尚書贈

太子太保有海虹集

山居

卜築幽岩裡紆回一徑斜
林虛留鶴夢壁古繡苔花
煖水浮溪荇春雲濕澗沙
采芝隨鹿去茅屋鎖煙霞

李騰芳一首

騰芳字子實湘潭人萬厯壬辰進士改庶吉士授檢討屢遷諭德以擅去官降太常博士再謫江西理問起行人司正擢少詹遷禮部侍郎改吏部以憂去官加禮部尙書尋起原官謚文莊有湘洲集十一卷

衡陽舟中

薄暮江煙裏相看一解顏
浪鷗無定渚羈豹有深山
過客東

西老孤舟天地閒江流原浩浩吾道自多艱

王在晉 三首

在晉字明初濬人僑寓太倉州萬歷壬辰進士除中
書舍人遷工部主事歷員外郎中出爲福建僉事累
遷江西布政使以右副都御史巡撫山東進總督河
道拜兵部添注侍郎進本部尙書經畧遼東薊鎮天
津登萊改南兵部尙書告歸起南吏部尙書就改兵
部召拜刑部尙書改兵部坐事削籍有蘭江集二十
卷越鏞八卷遼海集

山行

谿聲混人語清冷逸塵埃隔莽穢煙起當山竹牖開小兒驅

犢去村姬汲泉回耕鑿此中足桑麻遍地栽

秋夜舟行至由拳

落日放舟菰渚青雙雙鳬雁眠沙汀清秋獨坐不成寐涼夜
一尊長自醒殘笛風前弄楊柳疏星水面來流螢挂帆無恙
杳然去晴空漠漠滄江冥

長途春感

竹籐行竈便爲家野邸逢人問歲華聞道江南春事半木蘭
花發在天涯

石九奏

二首

九奏字伯成冀州人萬歷壬辰進士授大理評事歷
寺副寺正出爲萊州知府改兗州歷開原兵備副使

進參政有半園集

囉噴曲

淮水東流急
郎乘淮上船
安得回棹風
一夜吹郎還

無題

走馬章臺日已斜
當年心事託琵琶
春來惟有雙飛燕
猶認雕梁是舊家

張三極一首

三極字

臨清人萬歷壬辰進士官教授

新秋集顯靈宮分得墀字

物外逢迎好
雲林徂暑時
鳥聲移晚樹
鶴影上秋墀
捲幕開花薦
分觴泛羽卮
暮涼歸興促
莫遣酒行遲

馬應龍 一首

應龍字伯光安邱人萬厯壬辰進士官禮部郎中

送友之雲夢

二澤雄江漢孤帆發上游相逢原逆旅悵別各驚秋風咽蟬聲苦波澄雁影浮那堪回首處雲滿仲宣樓

張延登 一首

延登字濟美鄒平人萬厯壬辰進士除內黃知縣擢兵科給事中累官右都御史贈太子太保諡忠定有集

龍磨角用雪蓑韻

一水涓涓鑠谷口東風吹盡改南薰老龍何日磨雙角穿破

頑山兩道雲

丁起濬一首

起濬字哲初晉江人萬歷壬辰進士歷吏部郎中南
太常少卿累遷刑部侍郎

東南矯外詩話哲初不以詩名林茂之曰亦知哲初
有古驛一燈深之句乎牧齋求得全什錄入列朝詩
集哲初官司寇時治魏閹黨蘇州織造李實嘗誣周
起元周順昌獄刑部會鞠擬大辟懷宗意欲縱之哲
初執愈堅懷宗大怒詰責對曰好生者陛下大德執
法者臣子職分乃解其立朝風概如此

良鄉夜宿

古驛一燈深蕭蕭車馬臨薄寒添暝色入夜動鄉心
戒寢預愁夢喜晴翻量陰首塗才此夕忽漫話家林

岳和聲一首

和聲字爾律嘉興人萬厯壬辰進士除汝陽知縣徵授禮部主事厯員外出爲慶遠知府改贛州東昌遷福建副使厯廣西參政以右僉都御史巡撫順天天啟中起補延綏巡撫有餐微子集三十卷

田按爾律出守慶遠效范至能作後驂稿錄紀遊頗稱好事詩強作琴牙語以翻李王窠曰晚起撫延綏時論薄之吳次尾兩朝剝復錄云云

從顧鄱陽公立年丈乞番君碑

番君尸祝自庚桑雁影湖波共渺茫
悞恨無端趙松雪一碑翻教令君忙

徐必達 一首

必達字德夫嘉興人萬厯壬辰進士除太湖知縣改

梁溪集卷之十一
二
深水遷南吏部主事歷太僕卿應天府尹以僉都御史提督操江就遷兵部侍郎贈兵部尚書有南州草

南陵道中

登登不盡青山路瑟瑟松風到處聞飛鳥自來人自去馬蹏蹴碎萬重雲

陳懿典一首

懿典字孟常秀水人萬曆壬辰進士改庶吉士授編修歷官少詹事有吏隱齋集

送錢湛如孝廉攜燕姬南還

歧路秋風思黯然嘯歌唱徹孝廉船抱將楚璞何須泣買得燕姬絕可憐月夜鴛鴦雙綰帶春風山水一調絃壯心暫託

當墟見許待相如駟馬年

潘榛一首

榛字茂昆鄒人萬厯壬辰進士累官山西按察使

露書鄒邑潘茂昆詩十卷余愛其人隨山勢高低
住門逐日光向背開鑿藥近生衙舍下好山多在郡
城邊之句

題恩縣高閣

渾疑天咫尺雲影漫相連
古道行人渡長河估客還重關
矜十二朱履故三千不見平原塚登臨一慨然

明詩紀事

貴陽陳田輯

庚鑑

朱之蕃一首

之蕃字元介南京錦衣衛人萬歷乙未第一人及第授修撰歷諭德庶子少詹事進禮部侍郎改吏部贈禮部尚書有奉使稿四卷南還雜著一卷紀勝詩一

卷落花詩一卷

列朝詩集元介出使朝鮮盡卸其贈賄鮮人來乞書以貂參爲贄裴裴顧返厚盡斥以買法書名畫古器收藏遂甲於白下無聲詩史元介楷法敏速腕際有神寫山水得米襄陽梅花道人標韻竹石兼東坡與可之妙

桃花鵝

半林斜日數家煙流水冷冷意悄然山犬不驚機事少暮鴉
飛盡野雲閒羞投定遠懷中筆笑悟維摩病裏禪爲向青帘
探酒價何妨一醉晚風前

湯賓尹

一首

賓尹字嘉賓宣城人萬曆乙未第二人及第授編修
歷中允諭德庶子遷南國子監祭酒有睡菴集二十

八卷

田按嘉賓宣黨之魁與東林爲難萬曆辛亥富平孫
尙書丕揚掌祭典黜嘉賓等士論快之嘉賓以制舉
業名天下詩非所長

南中春詞

常日春風長板橋琵琶細語撥檀槽一從騎鳳簫郎隔著處
花飛怨伯勞

孫愼行一首

愼行字聞斯武進人萬歷乙未第二人及第授編修
歷中允諭德庶子少詹事遷禮部侍郎乞歸起禮部
尙書謝病歸以論紅丸遣戍竇夏未行以赦免起故
官協理詹事不就廷推閣臣甫入都卒贈太子太保
諡文介有立宴齋集

靜志居詩話要典三策羣切齒者挺擊則朝邑王侍
郎移宮則應城楊忠烈紅丸則文介也平居研精易
學吟詠不甚留意其觀元祐黨人碑有感作云誰知
黨人籍翻作褒忠碑曠世相感今古同然矣

見宋黨禁有感

誰知黨人籍翻作褒忠碑千秋感尙爾一時豈無知朱紫從來眩邱山尙可移聖朝恩澤久朝論幸無訛

劉一燦一首

一燦字季晦南昌人萬歷乙未進士選庶吉士授檢討遷贊善歷洗馬諭德庶子祭酒少詹正詹鑾禮部侍郎進本部尙書兼東閣大學士參預機務加太子太保改戶部進文淵閣大學士加少保改吏部進武英殿大學士加少傅兼太子太傅進中極殿大學士加少師福王時追諡文端有文端集

將謝病歸豫章有懷東湖別業

三載牽纓紱浮名滯一身頻勞江國夢空逐帝京塵園墅新

燕滿圖書舊業貧白雲漸有約回首重傷神

王維儉一首

維儉字損仲祥符人萬厯乙未進士除離縣知縣徵授兵部主事削籍爲民起光祿寺丞遷本寺少卿厯順天府丞大理少卿以僉都御史巡撫山東遷南兵部侍郎改北復改工部有王損仲集

列朝詩集損仲敏而好學通籍六載御批罷官終神宗之世二十年不起好古書畫器物不惜典衣舉息家藏餐餐周鼎夔龍夏葬皆一時名寶客至焚香淪茗商畧經史賞翫古物竟日獻酬無一凡俗語爲人疏通軒輅口多微詞評隲藝文排擊道學機鋒側出人不能堪亦坐是爲仕路側目與余定交長安一日時賢畢集徵漢書某事具悉本末指其腹軒渠曰名下甯有虛士乎損仲詩清婉而近於弱留心宋後三史苦宋史煩蕪刪定成書吳興潘昭度鈔得副本今損仲家圖籍盡沈於汴京之水未知吳興鈔本云何

也
書影吾邑王公半菴好收藏三代銅玉器常得漢玉
觥爲世所未有因以寶觥名齋予得交令嗣雁澤在
吳門市上得公詩文各一卷予爲序而鐫之以歸雁
澤公詩文皆不苟作矜慎自娛故所存不多然亦無
不足傳者

集岩亭王孫東墅

小妓宮羅窄名花綺幕張晴絲牽酒盞飛絮戀箏床改席臨
階碧登臺望野蒼芙蓉處處是乞取緝秋裳

蔡復一 三首

復一字敬夫同安人萬歷乙未進士授刑部主事歷
員外郎中乞歸改南戶部再改北兵部出爲湖廣參
政遷按察使歷湖廣山西布政使以右副都御史巡
撫鄖陽改貴州加兵部侍郎總督貴州雲南湖廣軍

務贈兵部尙書諡清憲有遜菴集十七卷

靜志居詩話景陵之邪說行率先倒戈者蔡敬夫也其駢體亦不屑猶入亡友漢陽王亦世最賞之然以詩論甯取彼而舍此矣
田按敬夫醉心鍾譚摩擬酷肖五言時有佳句如戰茗評泉史餐花訂食經官味秋雲薄鄉心夜雨多蛾眉生易妬駿骨死方憐岸幘親魚鳥移尊就薜蘿病後危看影窮邊怯問途水鳴不知處林翳自生煙微鐘催上月投鳥沒歸雲閒身惟受屐病眼漸妨書土膏鬆菜甲風語滑倉庚未嘗不可節取也

端午後一日寄鄧玄度

節物太關人始知身入楚楚客負楚遊事過空追撫六日驚花間騷魂無處所書從玄夷來猶挾岫嶮雨所缺岳樓詩君爲重遊補一讀一冷然湖山天仰俯嘉辰乃當茲續歡徵綠醕子瞻改重陽中郎展端午今曩託深心明月在湘浦

至東莊

先暑遂孤往風軒俯碧流溪聲如帶雨雲氣自然秋密樹行
相引鳴禽坐見酬雖無河朔飲一靜肺全瘳

分水關

雪散千林蘄菊花馬頭孤月挂簾斜行人不忍揚鞭過未出
閩關猶是家

蕭近高

二首

近高字抑之廬陵人萬厯乙未進士授中書舍人擢
禮科給事中歷遷刑科都給事中出爲浙江參政進
按察使病歸起福建按察使遷浙江布政使召拜太
僕卿歷通政使遷工部侍郎引疾去起南兵部添注

侍郎不赴被劾落職崇禎初復官有九生三草續草
送人之湘潭

迢迢楚水隔煙波把酒臨歧意若何衡雁一聲秋色遠白雲
七十二峯多

劉無垢文學南歸

易水東風變柳條紅亭折贈馬蹏遙江南三月花如綺君在
螺湖第幾橋

范允臨

二首

允臨字長倩松江華亭人萬歷乙未進士授南兵部
主事改工部歷郎中出爲雲南僉事遷福建參議有

輪寥館集

列朝詩集長情意匠浮動墨海橫飛未嘗以琢句鑒
績爲工如雪山池中甄陀女歌聲柔顚能使清淨五
百仙人皆心逸不自持
靜志居詩話先生筆精墨妙揮毫落紙與董尙書爭
工晚築別業於天平山之陽彈絲吹竹選伎徵歌江
表望爲神仙中人又得佳耦唱和傳鈔片楮比於珊
瑚之鈎范氏家藏遠祖唐時告身尙在文正忠宣諸
老手澤猶新義田長以振窮卒未嘗改列清門百
代四姓遠不及也

謁靈澤夫人廟二首

層闕蛟宮枕激湍湘簾暮捲浪花寒秋風一夜巴陵雨腸斷
歌聲咽木蘭

蠹粉椒塗生網絲溼雲涼露冷空祠鴛紋翠袖流塵暗猶似
深宮望履綦

陸錫恩一首

錫恩字伯承平湖人萬歷乙未進士除萬安知縣入

爲刑部主事歷員外有雙鳧草傳書堂集

靜志居詩話伯承不耐判牘放情山水間自號夢蜨居士又號癡丈人又號癡丈夫年四十二自撰曠志而殞詩頗澹雅

黔筑道中

叢厓何所有犵獠與狔獍領袖尊盧鬼猶猙避紫蓋市閒嚴
虎兔醕老鬪蝨蟻漢法那能律居然侈夜郎

賀燦然 一首

燦然字伯闇平湖人萬歷乙未進士授行人遷吏部
主事歷員外有六欲軒五欲軒集

遊龍井寺

石磴迴盤盡日過仙林寶剎迴嵯峨緣階井溜通泉乳繞殿
花香望薜蘿野鶴下時秋色靜山僧卧處白雲多南屏選勝
無如此坐對煙霞一嘯歌

高承祚一首

承祚字元錫松江華亭人萬厯乙未進士選庶吉士
授檢討有知古堂豪

龍井道中

祇樹開新徑籃輿自在行盤空紆鳥道幽巖雜松聲花雨天
邊落危泉樹杪傾催詩如有意頭上片雲橫

袁時選二首

時選字無擇鄞人萬厯乙未進士除遂溪知縣遷南

刑部主事

電白卽事

經行神電路客劍正蕭蕭海氣晴飛雨沙田低受潮種榕成
野蓋編竹補殘橋向晚還多阻悲風起沈寥

哭屠長卿先生

風流曾遺俗人猜幾擲千金散草萊幸舍無魚人欲去翟門
有雀客空回雨昏黃犢穿荒塚月冷青娥罷舞臺玉樹柘枝
今譜盡到頭薤露爲誰哀

甫上耆舊集無擇少有才工於詩屠長卿一見賞之
嘗曰吾身後文章之事當屬無擇長卿沒無擇爲詩
哭之極哀

呂克孝 一首

克孝字公原青浦人萬歷丁酉舉人除如皋教諭遷
國子助教歷大理司務轉都察院擢工部郎中有媿
翁詩草

過田叟

我欲驅黃犢移家傍屋東但容茅蓋頂先爲築牛宮

張應申 一首

應申字維貞東莞人萬歷丁酉舉人有二西山房草
怨別

虎門中斷暮潮賒萬頃銀濤捲雪花人事風波有如此勸君
休唱浪淘沙

胡震亨 一首

震亨字孝輅海鹽人萬歷丁酉舉人除固城教諭歷
合肥知縣遷德州知州不赴改定州擢兵部員外有
有赤城山人稿

馮李詩繫震亨嘗哀輯唐人詩集旁鈔法苑雲笈及
名山之志而臚列爲唐音統籤一千卷又有秘冊彙
函海鹽圖經續文選文獻通考纂靖康盜鑒錄今海
虞毛氏書皆所編定者也震亨才識與博家多藏書
三百年來吾郡學者屈一指云
田按康熙中 聖祖命輯全唐詩以孝輅唐音統籤
爲底本統籤凡一千二十七卷全唐詩僅九百卷蓋
統籤收道家章阮釋氏偈頌多至數十卷傷於冗雜
全唐詩芟除之矣籤皆論詩之語亦去而不錄故爲
卷止此又攷其譌誤補其缺失始爲完帙然孝輅以
一儒素而蒐羅浩博如此則其創始之功亦不可沒
矣

午日小飲口占

梅雨纔晴幾日餘又看海熟薦黃魚
嘍殘姑惡麥秋過落盡

女貞花事疏老矣難充醫國艾歸歟冷笑殺身蜍眼前只箇
菖蒲醖合爲年光一破除